

Du fragsch mi, wär i bi

M: Heidi Stucki

T: Hans Zulliger (1 & 2)

Liselotte Truog (3 & 4)

Corinne & Tobias Denzler (5)

unbekannt (6 & 7)

Bern

1. Du fragsch mi, wär i bi, du fragsch mi, was i cha; möchtsch

5 wüs - se, gäll, we - rum i di nid us de-n- Ou - ge lah.

2. I weiss nid, wär i bi,

i weiss nid, was i cha;

weiss nume s'zieht mi zue der hi,

i cha nid vo der lah.

3. Du zeigsch mir, wär i bi,

du zeigsch mir, was i cha;

drum zeig ou i dir immer nöi,

wi gärn dass i di ha.

4. Itz weiss i wär i bi,

itz weiss i was i cha.

I gib mi ganz so wie-n-i bi,

i hoff, du nimmsch mi a.

5. Und was i gseh i dir,

das find i ou i mir;

drum lieb i di, drum lieb i mi,

damit i ganz cha sii.

6. Drum frag nid, wär i bi,

drum frag nid, was i cha.

Bis zfride, wenn du weisch, dass i

mis Härz itz gfunde ha.

7. Ha di vo Härze gärn,

du bisch mi guete Stärn.

Chönnt i di einisch nümme gseh,

wär's um mi Fride gscheh.